



Informacija o stanju vodostaja na vodnom području rijeke Save u FBiH

Sarajevo, 17.3.2018 u 20:00 sati

"Agencija za vodno područje rijeke Save" Sarajevo vrši pojačano praćenje vodostaja na svim vodotocima na vodnom području rijeke Save u Federaciji BiH.

U posljednjih par sati bilježi se trend porasta vodostaja na vodotocima u Unsko-sanskom kantonu. Na vodomjernim stanicama Bihać na rijeci Uni i Sanski Most i Ključ na rijeci Sani vodostaji su dostigli kotu obavještavanja. Prognozira se nastavak porasta vodostaja na ovim lokalitetima stoga upozoravamo lokalno stanovništvo i službe nadležne za provođenje mjera zaštite na povećan oprez radi mogućeg izlivanja rijeka iz korita i plavljenja okolnog terena, objekata i infrastrukture.

Na ostalim vodotocima u slivu rijeke Save zabilježen je blagi rast.

Na rijeci Savi bilježi se blago povećanje vodostaja. Na mjerodavnoj vodomjernoj stanici Slavonski Brod dostignut je nivo od 730 cm pri kojem se proglašava mjere redovne odbrane od poplava. U skladu sa odredbama Federalnog operativnog plana odbrane od poplava (FOP) Glavni rukovodilac odbrane od poplava na vodnom području rijeke Save u FBiH, Direktor "Agencije za vodno područje rijeke Save" Sarajevo, je donio Rješenje o proglašenju početka redovne odbrane od poplava na poplavnom području Odžačka Posavina. Mjere redovne odbrane od poplava već se provode na poplavnom području Odžačke Posavine. Na vodomjernoj stanici Slavonski Šamac preostalo nešto manje od 60 cm do dostizanja navedenog nivoa.

Shodno prognoziranim hidrometeorološkim prilikama na vodnom području rijeke Save u Federaciji BiH, očekuje se dodatno povećanje vodostaja na ovom dijelu toka rijeke Save.

O ovome su obavješteni pravno lice koje je zaduženo za provođenje mjera aktivne odbrane od poplava koje se odnose na zaštitne vodne objekte na poplavnom području Odžačka Posavina, Federalno ministarstvo poljoprivrede, vodoprivrede i šumarstva kao i relevantne službe civilne zaštite.

Sve aktivnosti na praćenju i obavještavanju o trenutnom hidrološkom stanju se provode u skladu sa Federalnim operativnim planom odbrane od poplava (FOP).



Agencija za vodno područje rijeke Save će zbog aktuelnosti situacije u narednom periodu kontinuirano vršiti pojačano praćenje i obavještavanje o stanju vodostaja na vodotocima na vodnom području rijeke Save u FBiH.

Odjeljenje za informacioni sistem voda
Dežurni centar